



Broj: 27-2078-2/20

Datum: 30.11.2020.

Na osnovu člana 64. stav (1) tačka b) najniža cijena, člana 70. st. 1., 3. i 6. Zakona o javnim nabavkama („Sl. glasnik BiH“, broj 39/14), na Preporuku Komisije za javnu nabavku broj: 27-2078-1/20 od 27.11.20. godine, u postupku javne nabavke roba goriva i lož ulja za potrebe KJU „Dom za socijalno zdravstveno zbrinjavanje osoba sa invaliditetom i drugih osoba“, v.d. direktora donosi

O D L U K U

o izboru najpovoljnijeg ponuđača

Član 1.

Prihvata se Preporuka Komisije za javnu nabavku, broj: 27-2078-1/20 od 27.11.2020. godine i Okvirni sporazum za nabavku goriva i lož ulja za potrebe KJU „Dom za socijalno zdravstveno zbrinjavanje osoba sa invaliditetom i drugih osoba“ –dodjeljuje se ponuđaču :

„GREEN OIL“ doo Sarajevo, ulica Marka Marulića broj 4., Sarajevo, ponuda ponuđača broj: 390-10/20 a koja je protokolirana kod ugovornog organa pod brojem 27-1846/20 dana 12.10.2020.godine, sa ponuđenom cijenom nakon provedene e-aukcije u iznosu od 132.000,00 KM (bez PDV-a), kao najbolje ocjenjenom ponuđaču

Član 2.

Prijedlog okvirnog sporazuma o nabavci roba iz člana 1. ove Odluke, dostavit će se na potpis izabranom ponuđaču po proteku roka od 15 dana, računajući od dana kada su svi ponuđači obavješteni o izboru najpovoljnije ponude.

Član 3.

Za izvršenje ove Odluke zadužuju se i ovlašćuju Služba pravnih i kadrovskih poslova i Služba za servisne usluge i ishranu korisnika Doma.

Član 4.

Ova odluka objavit će se na web-stranici www.kjudom.ba, istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 27-1695/20 od 17.09.2020.godine. Javna nabavka je provedena putem otvorenog postupka. Procijenjena vrijednost javne nabavke bez PDV-a je iznosila je 278.544,00 KM. Obavještenje o nabavci objavljeno je na Portalu javnih nabavki dana 21.09.2020. godine broj 511-1-1-270-3-14/20. Sažetak obavještenja o nabavci objavljen u „Službenom glasniku BIH“ broj: 59/20.

Tenderska dokumentacija je objavljena na portalu javnih nabavki istovremeno sa objavljivanjem obavještenja o nabavci. Prve izmjene tenderske dokumentacije objavljene na portalu javnih nabavki dana 30.09.2020.

Komisija za nabavke imenovana Odlukom broj: 27-1816/20 od 07.10.2020 godine izvršila je pregled i ocjenu ponuda i utvrdila slijedeće:

- da je ukupan broj pristiglih ponuda 5 /pet/, te da su sve ponude blagovremene.
- da su ponude ponuđača „HIFA-PETROL“ doo Sarajevo, „ALMY“ doo Zenica i „GREEN OIL“ doo Sarajevo prihvatljive.
- da ponude ponuđača „HIFA-OIL“ doo Tešanj i „PETROL BH OIL COMPANY“ doo Sarajevo nisu prihvatljive.

Nakon izvršenog pregleda i ocjene ponuda zakazana je e-aukcija dana 16.10.2020. godine u 12,00 sati, na kojoj su učestvovala sva tri ponuđača čije su ponude ocjenjene prihvatljivim. Nakon provedene e-aukcije, a na preporuku Komisije za nabavke donijeta je Odluka o izboru najpovoljnijeg ponuđača broj: 27-1906-2/20 od 20.10.2020. godine.

Na Odluku o izboru najpovoljnijeg ponuđača broj: 27-1906-2/20 od 20.10.2020. godine ponuđač Petrol BH Oil Company doo uložio je žalbu, po kojoj je Ured za razmatranje žalbi BiH donio Rješenje broj: JN2-03-07-1-3069-8/20 od 12.11.2020. godine, kojim je žalbu usvojio poništio Odluku o izboru najpovoljnijeg ponuđača i vratio predmet ugovornom organu na ponovno odlučivanje.

Postupajući po Rješenju Ureda za razmatranje žalbi BiH broj: JN2-03-07-1-3069-8/20 od 12.11.2020. godine, Komisija za nabavke izvršila je ponovni pregled i ocjenu ponuda, te je poštujući stav URŽa utvrdila da su i ponude ponuđača „HIFA-OIL“ doo Tešanj i „PETROL BH OIL COMPANY“ doo Sarajevo prihvatljive.

U skladu sa članom 7. stav 5. Pravilnika o uslovima i načinu korištenja e-aukcije („Službeni glasnik BiH“, broj: 66/16) Agenciji za javne nabavke BiH upućen je zahtjev za ponovno zakazivanje e-aukcije.

Agencija za javne nabavke je zakazala ponovljenu e-aukciju za dan 26.11.2020. godine u 14:00 sati na koju je prijavila svih pet prihvatljivih ponuda sa naznakom da se na ponude ne primjenjuje preferencijalni tretman domaćeg. Navedenog dana u navedenom terminu tri ponuđača su uzela aktivno učešće u postupku e-aukcije na način da su u vremenskom periodu od 50 minuta koliko je trajala e-aukcija snižavali cijene svojih ponuda. Iz izvještaja o toku i završetku e-aukcije vidi se konačna rang lista ponuđača koji su učestvovali na e-aukciji:

r.b.	Naziv / ime ponuđača	IDB/JIB	Konačna cijena u KM bez PDVa	Umanjenje cijene	Rang.
1	„GREEN OIL“ doo Sarajevo	4200851420006	132.000,00	38,89 %	1
2	„PETROL BH OIL COMPANY“ DOO	4200505350000	133.000,00	49,9 %	2
3	„HIFA-PETROL“ doo Sarajevo	4200999090005	157.000,00	29,57 %	3
4	„HIFA-OIL DOO TEŠANJ	4218015340002	271.893,00	0%	4

5	„ALMY“ doo Zenica	4218149030000	280.588,00	0 %	5
---	-------------------	---------------	------------	-----	---

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz Tenderske dokumentacije.

U postupku ocjene provedenog postupka, v.d. direktora ugovornog organa nije našao razloge nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.


Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Uvidom u priloženu dokumentaciju, nesporno je da je ponuđač „GREEN OIL“ doo Sarajevo najbolje ocijenjen zbog: najniže cijene kako slijedi i ispunjenja uslova za kvalifikaciju na osnovu tenderske dokumentacije:

PODACI O NAJPOVOLJNIJEM PONUĐAČU		
1	Naziv / ime ponuđača	„GREEN OIL“ doo Sarajevo
2	Adresa	Marka Marulića broj 4., Sarajevo
3	Ukupna cijena ponude bez PDV-a	132.000,00

Iz navedenih razloga, primjenom člana 64. stava (1) tačka b) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU: Protiv ove odluke može se izjaviti žalba, najkasnije u roku od 10 (deset) dana od dana prijema ove odluke. Žalba se izjavljuje ugovornom organu u pisanoj formi direktno, elektronskim putem ili preporučenom pošiljkom. Žalba se podnosi u dovoljnom broju primjeraka, a koji ne može biti manji od tri.



Dostaviti:

1. „HIFA-PETROL“ doo Sarajevo, Vogošća - Hotonj bb
2. „HIFA-OIL“ doo Tešanj, Bukva broj 10., Tešanj
3. „PETROL BH OIL COMPANY“ doo Sarajevo, Tešanjaska broj 24 Sarajevo
4. „ALMY“ doo Zenica - Vrandučka bb, Pečuj, Zenica
5. „GREEN OIL“ doo Sarajevo, ul. Marka Marulića broj 4., Sarajevo
6. Službi za servisne usluge i ishranu korisnika
7. Službi finansijsko računovodstvenih poslova
8. Službi pravnih i kadrovskih poslova
9. a/a